



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Militis fidelitas, regis contumacia, Numinis longanimitas.

urn:nbn:de:hbz:466:1-45686

poenitentia de tanta stoliditate non procrastinanda. Tantá patientiá piúm Numen & sustinet, & lucrari vult Encelados istos coelum expugnare cogitantes, & in superos arma mouentes, de terra matos, & in terram reuersuros, qui, cum vix sint idonei, ad opus ruri faciendum, audent Deo leges dare, & recta praua facere.

IV.

Miles, vt erat diuini honoris sitientissimus, non diu cunctatus, illico Regem, apud Burgos commorantem, adiit, peritoque colloquio secreto, primùm ei exposuit, quæ visu, deinde etiã quæ auditu acceperat: postea oratione vehementi suadere cœpit, vt tam blasphema verba, quæ delirando illi exciderant, etiã atq; etiã, coram iisdem, qui audierant, retractaret. Mirare hîc, Lector, nouum (ah nimis antiquum & consuetum) certandi genus. Summa Dei bonitas, cum summâ hominis malitiã pugnat; & certat illa, vt clementiã; ista, vt pertinaciã vincat. Mittit legatum offensus ad offendentem; suggerit Dominus seruo veniæ modum; monet iudex reum, vt caueat fugiatque supplicium. Quæ maior posset esse bonitas? non tantùm dat *meruentibus se significationem, vt fugiant à facie arcus*, sed & persequentibus! At quid ille, *cui robur & as triplex, circa pectus erat*, quid fecit adamantianus Alphonso? quia iam præualuerat in vanitate sua, militis monitionem, cum risu, accepit, & acerbo sarcasmo. Quin illico exesse iussit, peruicacissimè sacrilega illa repetens: *si tempore creationis humana interfuisset, plurima melius ordinari potuisse*. Olim, pro magno absurdo habebatur, si fus docere Minervam voluisset: aliquid absurdius nostra sæcula audierunt. Potestne humana superbia altiùs ascendere? olim, in Lucifero, iuxta Deum; iam in Alphonso, supra Deum ascendit, quem putare audeat, homine minùs sapientem. Quid hic par fuit facere diuinam Maiestatem & in quod non calamitatis barathrum debuit hunc Regem præcipitare? Ex æquo fecisset, si eum iuxta, aut infra ipsum Luciferum, in inferni infima, & vltimâ, applausisset, tam nouum, & impium æmulum diuinitatis.

Psalm. 59. 6.

V.

At vide cælestis Clementiæ immensitatem. Expulso, cum ignominia, pio milite, ac fideli monitore, pauci ierant dies, cum iam Rex apud Segobiam, versaretur, Eremitæ cuidam sanctissimo viro, eadem de Rege diuinitus ostensa mandataque sunt, quæ priùs militi